



МЕСЯЦА СЕНТЯБРЯ В 25-й ДЕНЬ

**Преподобнаго отца нашего Сергия,
игумена Радонежскаго и всея России чудотворца**

НА МАЛЕЙ ВЕЧЕРНИ

На Господи, воззвах: стихиры на 4, глас 5.

Подобен: Преподобне отче:

**Преподобне отче, / дѹшу твою с тѣлом очисти, /
Святаго Дѹха прекрасная обитель явился
еси, / Иже славна ты концѣм, преблаженне
Сергие, содея, / в чудесѣх же великаго светиль-
ника, / просветившаго во мраце сущия, / и наставника
монахов, // сошедшеся, велемѹдренно ублажаем.**

**Явился еси, богоблаженне, / мудрая пленица, / связуя
многая врагов ополчения; / темже и венцем увязлся еси
от Бога неувядающим, / и веселие, и радость, / и славу
вечную восприял еси, премудре Сергие. / Того моли,
Тому помолися, преподобне, / даровати мир миру //
и душам нашим велию милость.**

**Преподобне отче, / телесныя страсти зельным воздер-
жаніем / и чистыми молитвами, / потом же воздержан-
ия угасил еси углие страстей; / того ради чудесы
славна ты / Россійским странам, славне Сергие, показа, /
украсив Небесными дарми, Христос. / Того моли, Тому
помолися, преподобне, / даровати мир миру // и душам
нашим велию милость.**

Слава, глас 6:

**Приидите, монашествующих множество, днесь, /
Сергия, благочестия подражателя, / пѣсньми и пѣнь-
ми восхвалим / и честную его и многоцѣлебную раку,
обстояще, / любѣзно облобызаем, глаголюще: / радуйся,**

преслávне Сѣргие,/ Отѣчеству твоёму пресвѣтлый свѣ-
тільниче;/ радуйся, яко чїсте чистѣйшему Свѣту
совокупївся;/ радуйся, яко Трѳице предстоїши со
Ангелы,/ Юже непрестанно моли// даровати душам
нашим велию мїлость.

И ныне, Богородичен, глас тойже: Богородице, Ты еси лоза:

На стиховне стихиры, глас 6.

Подобен: Ангельския:

Ст матерних пелен, мудре,/ Богу возложен, Сѣргие
преподобне,/ и пустыню яко град соделав,/ в ней множе-
ства монахов собрал еси/ славити многопетую Трѳицу,//
Юже моли спастїся душам нашим.

Стих: Честна пред Господем// смерть преподобных Его.

Богомудре Сѣргие,/ аще бо и послезди леты ты ново-
просвещенная Россійская страна возрасти,/ но древних
чести сподобился еси,/ и дарования чудес достойно
прием;/ монахов множество песнословят/ и право-
верною верою Христа хвалят,/ твоими покаряющеся
ученьми,// моли спастїся душам нашим.

Стих: Блажен муж, бойся Господа,// в заповедех
Его восхощет зело.

Яко в высоких чертозах,/ добродетели предуготовал
еси дом себе,/ Сѣргие, отче наш,/ и яко воистину божѣ-
ственную Светлость/ зрети сподобился еси,/ в нюже
вселївся, зриши Святую Трѳицу,/ Ейже молися// даро-
вати миру велию мїлость.

Слава, глас 8:

Преподобне отче,/ мира красоту и сладость времен-
ную/ отнюд возненавидел еси,/ монашеское житие паче
возлюбив,/ и Ангелом собеседник быти сподобился
еси,/ и светильник многосветлый Россійския земли,/
чудесми, якоже второе солнце, сияя./ Но всех нас поми-
най,/ совершающих священную память твою:/ мы
бо чада твоя/ и овцы словесных твоих учений/ и ты на
помощь призываем,// просяще тобою прияти мир и
велию мїлость.

И ныне, Богородичен, глас тойже: Владычице, прими:

Тропарь писан на велицей вечерни.

НА ВЕЛИЦЕЙ ВЕЧЕРНИ

Блажен муж: 1-й антифён.

На Господи, возвах: стихиры на 8, глас 6.

Подобен: Все отложше:

Мира мятёж, преподобне, оставив / и взем крест твой, / последовал еси Христу / невозвратным помыслом, / и в пустыню вселился еси, преподобне, / душевные страсти из корене исторгая / и телесная чувства огорчая, / и частыми бденими и молитвами / благодать восприял еси, преподобне, / целити различные недуги, / Ангелов собеседниче и преподобных сожителю; / молися Господу, Сергие преподобне, // помиловатися душам нашим.

Преподобне отче, / кто исповесть труды твои и болезни? / Или кий язык изречет жестокое твоё житие, / бдение же, и сухоядение, / и еже на земли легание, / чистоту душевную и телесную, / устнами и умом совершенное безмолвие, / смирение же нелицемерное, / молитвы непрестанные и рассуждение доблестное, / худость ризную и память смертную? / Сергие, отче наш, // моли спастися душам нашим.

Преподобне отче Сергие, / ты врач душ и телес явился еси, / источая недужным исцеления струи, / даром же пророчества украшен, / прорицая, яко настоящая, будущая: / молитвою бо князя вооружив варвары победити, / хвалящаяся отечество его разорити, / но самех богопораженною язвою / трупия достойно падоша // псаломски при аде, преподобне.

Богомудре Сергие, / славу маловременную оставь, / и в пустынях и горах / ты живый явился еси, / и Троицы чистый дом, / блаженне, был еси, / Еяже силою пресвятыя храмы воздвиг, / и ограды монастыествующим во спасение создал еси; / живяше же в тебе Христос Бог наш, / Егоже от юности возжелел еси. / Того моли, Сергие преподобне, // спастися душам нашим.

Ины стихиры преподобнаго, глас 2.

Подобен: Терпяще мучения:

Терпя нынешняя мужественно, / веселяся будущими, / ко всем глагола еси, преподобне Сергие: / егда убо туне подвижаем, / но вечнаго живота чающе получитьи? / Люты скорби, но сладок рай, / болезненны труды, но присносущно восприятие. / Не обленимся

убо, о по́стницы! Ма́ло стерпи́м, / да венцы́ нетлѣнными
увязѣмся // от Христа́, Бо́га и Спа́са душ на́ших.

Зря, я́ко наслажде́ние, ско́рби, / шѣствуя тѣсным
путѣм, / ко ученико́м твои́м глаго́лал еси́, преблаже́нне
Сѣргие: / не устращи́мся по́двига по́стнаго, / да стра́ш-
наго геѣнскаго мучѣния избе́гнем, / согбе́нне бу́дут рѹце, /
да протира́ются же к Бо́гу, / но́зе же утвержде́ны / на
моли́тве предсто́яти, / не пощади́м естества́ тлѣннаго,
изво́лим по́двиг, / да венцы́ побѣдными увязѣмся // от
Христа́, Бо́га и Спа́са душ на́ших.

Отве́рг тлѣнныя рѣзы, / ходи́л еси́ в зимѣ без тѣпльыя
оде́жды, я́коже в лѣте, / глаго́ля, терпели́ве Сѣргие: / за
рай, егоче́ погуби́хом, / рѣзы мя́гкия ны́не отлага́ем, /
грехо́м иногд́а преступле́ния оде́яхомся, / совлеце́мся
ны́не ра́ди нетлѣнных риз, / небреже́м, бра́тие, о зимѣ
преходя́щей, плоть изну́рим, / да венцы́ побѣдными
увязѣмся // от Христа́, Бо́га и Спа́са душ на́ших.

Сла́ва, глас 6:

Е́же по о́бразу соблю́д невредимо́, / ум влады́ку над
страстьми́ па́губными по́стнически поста́вив, / во е́же
по подо́бию, я́ко мо́чно, возше́л еси́: / му́жески бо
естество́ пону́див, / потща́лся еси́ ху́ждшее покорѣти
лу́чшему / и плоть порабо́тити дѹху; / те́мже мона́шест-
вуюющих яви́лся еси́ верх, / жи́тель пусты́нный, благоте-
ку́щих обуча́тель, / пра́вило добродѣтели изве́стнейшее; /
и ны́не на Небесе́х, зерца́лом разрѣшшимся, / о́тче наш
Сѣргие, / чи́сте зри́ши Святу́ю Тро́ицу, / моля́ся несре́д-
ственне // о́иже ве́рою и любо́вию чту́щих тя.

И ны́не, Богоро́дичен, глас то́йже: Кто Тебе́ не ублажи́т:

Вход. Прокі́мен дне. И чтѣния.

Прѣтчей чтѣние (главы́ 3 и 8):

Па́мь пра́веднаго с похвала́ми, и благослове́ние
Госпо́дне на главе́ егоче́. / Блаже́н человек, и́же обре́те
Пре́мудрость, и сме́ртен, и́же уве́де ра́зум. / Лу́чше бо
Сию́ купова́ти, неже́ли злата́ и сребра́ сокрови́ща. / Чест-
не́йшая же е́сть ка́мений многоце́нных, все же честное́
недостойно́ Ея́ е́сть. / Долгот́а бо дней и лѣта́ живота́
в десни́це Ея́, в шу́йце же Ея́ бога́тство и сла́ва. / От уст
Ея́ исхо́дит пра́вда, зако́н же и ми́лость на язы́це но́сит. /

Послушайте ўбо Мене, о чада, честная бо реку: и блажен человек, иже пути Мой сохранит; / исходи бо Мой, исходи живот, и уготовляется хотение от Господа. / Сего ради молю вас и предлагаю Мой глас сыновом человеческим: / яко Аз премудрость устроих, совет и разум, и смысл Аз призвах. / Мой совет и утверждение, Мой разум, Моя же крепость. / Аз мене любящая люблю, ищущии же Мене обрящут благодать. / Разумейте ўбо, незлобиви, коварство, ненаказании же, прилагайте сердца. / Послушайте Мене и паки, честная бо реку: и отверзу от устен правая, / яко истине поучится гортань Мой, мерзски же предо Мною устны лживыя. / С правдою вси глаголы уст Моих: ничтоже в них стропотно, ниже развращенно. / Вся права суть разумевающим и проста обретающим разум. / Научаю бо вас истине, да будет о Господе надежда ваша и исполнитесь Духа.

Притчей чтение (главы 10 и 11):

Уста праведнаго каплют премудрость, язык же неправеднаго погибнет. / Устне мужей праведных каплют благодати, уста же нечестивых развращаются. / Мерила льстивая мерзость пред Господем, вес же праведный приятен Ему. / Идеже аще внидет досаждение, тамо и безчестие: уста же смиренных поучаются премудрости. / Совершение правых наставит их, и поползновение отрицающихся упасет их. / Не пользует имения в день ярости, правда же избавит от смерти. / Умер праведный, остави раскаяние, наручна же бывает и посмеятельна нечестивых пагуба. / Правда непорочнаго исправляет пути, в нечестие же падает неправда. / Правда мужей правых избавит их: безсоветием же пленяются беззаконнии. / Скончавшуся мужу праведну, не погибнет надежда, похвала же нечестивых погибнет. / Праведник от лова убежит, вместо же его предается нечестивый. / Во устех нечестивых сеть гражданом, чувство же праведных благоспешное. / Во благих праведных исправится град, и в погибели нечестивых радование. / Во благословении правых возвысится град, усты же нечестивых раскопается. / Ругается гражданом лишенный разума, муж же мудрый безмолвие водит.

Премудрости Соломоновы чтение (глава 3):

Праведных души в руке Божией, и не прикоснется их мука./ Непщевани быша во очесех безумных умерети,
и вменися озлобление исход их./ И еже от нас шест-
вие сокрушение, они же суть в мире./ Ибо пред лицом
человеческим аще и муку примут, упование их
безсмертия исполнено./ И в мале наказани бывше,
великими благодетельствовани будут,/ яко Бог искуси
я и обрете их достойны Себе./ Яко злато в горниле
искуси их и яко всеплодие жертвенное прият я./ И во
время посещения их возсияют и, яко искры по стёб-
лию, потекут./ Судят языком и обладают людьми, и
воцарится Господь в них во веки./ Надёющися Нань
разумеют истину, и вернии в любви пребудут Ему./
Яко благодать и милость в преподобных Его, и посе-
щение во избранных Его.

На литии стихира храма.

И святого стихиры, глас 6:

Приидите, празднлюбцы/ и постников сословие,/
верою сошедшеся,/ истинного постника почтим днесь,
Сергия,/ с веселием шествовавшего по стопам Владыки
своего/ узкий путь и безстрастную жизнь,/ и верою
возопийм:/ о всеблаженне, преподобных сожителю/
и постников похвало!/ О нас молися ко Господу, // поми-
ловатися душам нашим.

Преподобне и богоносе Сергие,/ любве ради Христова
вся оставил еси/ и, в пустыню вшед,/ никакоже убо-
ялся еси невидимых врагов коварствия,/ аще бо и
многажды приидоша на тя,/ скрежетанием зубным
ярость показующе,/ ты же молитвами твоими,/ яко
дым, без вести сих сотворил еси./ О непорочныя твоея
души/ и крепкаго терпения твоего!/ Христа непре-
станно моли // спастися душам нашим.

Российская убо всеосвященная и великая Церковь/
с православными соборы, монахи же и простыми,/ еван-
гельских источников струями напоившеся,/ духовно
веселимся/ в нарочитом празднице добраго пастыря и
учителя,/ и целебныя его мощи, обстояще, любезно
облобызаем,/ и сих, яко цветы, песнями и хвалами
увязем, рекуще:/ радуйся, Сергие блаженне,/ Небесный
человеке, земный Ангеле/ и Духа Святого обитель;/

ра́дуйся, я́ко мно́гих ко спасе́нному пу́ти наста́вил еси́;/ ра́дуйся, правосла́вному во́инству на́шему похва́ла и утвержде́ние,/ преподо́бне Серге́е богоприя́тне,/ Оте́честву твоему́ пресвѣтлый светі́льниче // и моли́твенниче о душа́х на́ших.

Сла́ва, глас 6: Прииді́те, мона́шествующих: (пи́сан на ма́лей вече́рни).

И ны́не, Богоро́дичен, глас то́йже: Творе́ц и Изба́витель:

На стихо́вне стихи́ры, глас 1.

Подобен: Небе́сных чино́в:

Наста́, богоно́се, со́лнца светле́йши твой пра́здник,/ озаря́я приходя́щая к тебе́ ве́рою,/ и безсме́ртие благоуха́ет,/ душа́м же исто́чает нетле́ние от свята́го твоего́ телесе́,/ Серге́е преподо́бне, // моли́твенниче о душа́х на́ших.

Стих: Честна́ пред Го́сподем // сме́рть преподо́бных Его́.

Чу́вственныя стра́сти телесныя победи́л еси́/ воздержа́ния бродя́ми, чудодо́йственне Серге́е,/ и ре́вность к безплотным на землі́ показáл еси́,/ все же плотско́е желáние дү́ху повину́л еси́./ Тем и ны́не, в Небе́сных дво́рех водворя́ясь, // моли́ о душа́х на́ших.

Стих: Блаже́н муж, бо́йся Го́спода, // в за́поведех Его́ восхо́щет зело́.

Блаже́нне Серге́е, основа́ние положи́в добродете́ли,/ дре́вняго челове́ка совлéкся с похотью́/ и во Христа́ облéкся еси́, Исти́ну./ Тем обличы́л еси́, преподо́бне, мно́гая враго́в ополче́ния,/ наста́вник мона́хов быв, // моли́ спасти́ся душа́м на́шим.

Сла́ва, глас 8:

Мона́хов мно́жества/ наста́вника тя почита́ем, о́тче наш Серге́е,/ твоею́ бо стезе́ю войсти́ну пра́во ходи́ти позна́хом./ Блаже́н еси́, Христа́ рабоба́в,/ и вра́жию обличы́л еси́ си́лу,/ А́нгелов собесѣдниче и преподо́бных соприча́стниче и пра́ведных,/ с ни́миже моли́ся Го́сподеви, // поми́ловатися душа́м на́шим.

И ны́не, Богоро́дичен, глас то́йже: Безневѣ́стная Де́во:

Тропа́рь, глас 4:

И же добродете́лей подви́жник,/ я́ко исти́нный во́ин Христа́ Бо́га,/ на стра́сти вельми́ подви́зале́ся еси́ в жи́зни вре́менной,/ в пе́ниих, бде́ниих же и поще́ниих

образ быв твоим учеником, / темже и вселися в тя Пресвятый Дух, / Егोजе действием светло украшен еси; / но, яко имея дерзновение ко Святей Троице, / поминай стадо, еже собрал еси, мудре, / и не забуди, якоже обещался еси, / посещая чад твоих, // Сергие, преподобне отче наш.

Ин тропарь, глас 8:

От юности восприял еси Христа в души твоей, преподобне, / и паче всего вожделел еси мирскаго мятежа уклонитися, / мужески в пустыню вселился еси / и чада послушания в ней, плоды смирения, возрастил еси. / Тем быв Троице вселение, / чудесы твоими всех просветил еси, приходящих к тебе верою, / и исцеления всем подая обильно. // Отче наш Сергие, моли Христа Бога, да спасет души наша.

Ин тропарь, глас 8:

Вчистоте жития источник слез твоих, / исповедания трудовныя поты совокупил еси / и купель духовную источил еси, священней Сергие преподобне, / омывшаи творящим любовью память твою / скверны душевныя и телесныя. / Сих ради, чада твоя суще, вопием ти: // моли, отче, Святую Троицу о душах наших.

Слава, и ныне, Богородичен.

НА УТРЕНИ

Тропарь святого дважды. Слава, и ныне, Богородичен.

По 1-м стихословии седален, глас 8.

~~Подобен: Премудрости:~~

Весь освящен и богоносен показался еси, / мира и богатства светлости / и вся елика видимых доброт маловременных преобидев, / смирением же и нищетою Владыце Христу последовал еси, / собрав монахов множества, и сих Православия учеными просветил еси. / Тем и по кончине нестареемую благодать приял еси / и, во гробе лежа, нетленен пребываеши, Сергие богоблаженне, / моли Христа Бога согрешений оставление даровати / чтущим любовью святую память твою.

Слава, и ныне, Богородичен:

Яко Всенепорочная Невесто Творца, / яко Неискусомужная Мати Избавителя, / Приятелище яко сущи Утешителя, Всепетая, / беззакония мя суща скверно жилище / и демонов игралище в разуме бывша, / пощися и сих злодействия мя избавити, / светло жилище добродетельми соделавши. / Светодательная и нетленная, / разжени облак страстей и Вышняго причаствия сподоби / и Света не вечерняго молитвами Твоими.

По 2-м стихословии седален, глас 3.

Подобен: Красоте девства:

Еже к Богу мудрование горе имея, отче, / и яже на земли оставил еси, / и, многими болезнями светло твое житие изъяснив, / всякия же божественныя добродетели обитель показався, / в молитвах и мольбах и пощених Господу приблизился еси. / Моли Христа Бога спастися душам нашим.

Слава, и ныне, Богородичен:

Яко невозделанна, Дево, лоза, / прекрасный Грозд, Христа, возрастала еси, / источающая нам вино спасительное, всех веселящее души и телеса. / Темже, яко виновну Тя добрых ублажающе, / присно со Ангелом вопием Ти: / радуйся, Обрадованная.

По полиелеи седален, глас 8.

Подобен: Премудрости:

Егда, блаженне, божественному желанию ум твой вперив, / тогда оставил еси вся долу влекущая мудрования, / и, в пустыню вселився, яко крин процвел еси добродетели прекрасный, / и, страстей искоренив терние, в нем насадил еси плоды трудов твоих. / Темже и пожал еси рукояти, неотъемлемо богатство на Небесех. / Сергие преподобне, моли Христа Бога / согрешений оставление даровати чтущим любовию святую память твою.

Слава, и ныне, Богородичен:

О Тебе радуется, Благодатная, всякая тварь, / ангельский собор и человеческий род, / освященный храм и рай словесный, / девственная похвало, из Неяже Бог воплотися / и Младенец бысть, прежде век сый Бог

наш,/ ложесна́ бо Твоя́ престол сотвори́/ и чрево Твое́
простра́нное Небес содела./ О Тебе́ радуется, Благода́т-
ная, всякая тварь,/ сла́ва Тебе́.

Степenna, 1-й антифон 4-го гласа. Прокимен, глас 4:
Честна́ пред Господем// смерть преподо́бных Его́.
Стих: Что воздам Господеви о всех, яже воздаде ми?
Всякое дыха́ние: Евангелие от Матфея, зачало 43.

По 50-м псалме стихира, глас 6:

Иже на земли́ Ангела/ и на Небеси́ человека́ Божия,/
мира́ благо́е украше́ние,/ пи́щу благо́их добродетель-
ных,/ по́стников похвалу́,/ Серге́я вели́каго почти́м:/
насажде́н бо в дому́ Господни/ и процвете́ правед-
но,/ я́ко кедр в пусты́ни,/ умно́жив ста́до Христо́во
словесных овец,// в преподо́бстве и правде.

Канон Богородицы со ирмосом на 6 и святаго на 8.

Канон Пресвятыя Богородицы, глас 6.

Песнь 1

Ирмос: Я́ко по су́ху пешешествовав Изра́иль/ по
бе́здне стопа́ми,/ гонителя́ фарао́на/ ви́дя потопля́ема,//
Бо́гу победную́ песнь по́йм, вопия́ше.

Прича́щшися Е́ва са́да, преслуша́ннаго бра́шна,
кля́тву введе́;/ но сию́ разреши́ла еси́, Чи́стая,/ благо-
словения́ Нача́ток, Христа́ ро́ждши.

Я́же бисера́ от Божественных мо́лнии, Христа́ ро́жд-
ши,/ страсте́й моих мглу́ и прегрешений́ смущение,/
Чи́стая, разжени́ светом Твое́й светлости.

Язы́ков Жда́ние Иа́ков из Тебе́ воплоща́емаго/ пред-
зря́ше та́йно умными́ очесы́:/ Бо́га, изба́вльшаго нас
ходата́йством Тво́им.

Оскуде́вшим нача́льником от племе́ни Иу́дова,
Пречи́стая,/ Сын Твой и Бог, прошед Вождь,/ над
концы́ земными́ ны́не войсти́ну воцари́ся.

Канон преподо́бнаго Серге́я, его́же краегра́несье
сицевó: Серге́я похвалити, Бо́же мой, да́руй ми. Глас 8.

Песнь 1

Ирмос: Колесни́цего́нителя́ фарао́ня погрузи́/ чудо-
творя́й ино́гда/ Моисе́йский жезл, крестообра́зно

порази́в/ и раздели́в мо́ре,/ Изра́иля же беглеца́, пеше-
ходца спасе́, // **песнь Бóгови воспева́ющая.**

Христа́, нас ра́ди во́лею смири́вшагося да́же до ра́бья
о́браза, подража́в,/ возлюбил еси́ смире́ние/ и, зельным
бде́нием и моли́твами душегубныя стра́сти умертви́в,/
на го́ру безстра́стия возше́л еси́, **Сэргие** пребога́те.

Я́ко свети́льник све́та,/ твою́ ду́шу слезными пото́ки
украша́я,/ и друго́го Иса́ака подобно сам себе́ вознесл
еси́, преподо́бне,/ и се́рдце твоё Бо́гу пожёрл еси́.

И́же во чре́ве ма́терни трикра́ты проглаше́нием/
Тро́ицы служи́тель показа́лся еси́/ и, Трисо́лнечным
све́том озаря́емь,/ де́монская ополче́ния, я́ко паучи́ну,
разори́л еси́, **преблаже́нне Сэргие.**

Богоро́дичен: **Зако́нов** кроме естество́нных родила́
еси́ **Законода́вца** Бо́га и **Челове́ка** бывша,/ **Того́,** я́ко
Бла́га, моли́, **Всепоро́чная,** на́ша беззакония пре-
зре́ти, вопи́ющих всегда́:/ **пойм Го́споду,** сла́вно бо
просла́вился.

Ин канон свята́го. Глас 1.

Песнь 1

Ирмо́с: **Твоя́** победи́тельная десни́ца/ боголе́пно в кре́-
пости просла́вился,/ та бо, **Безсме́ртне,** я́ко **всемогу́-**
щая, проти́вныя сотре́, // **Изра́ильтяном** путь **глубины́**
новосодо́дающая.

Любо́вию Христо́вою утверди́лся еси́, преподо́бне,/ и
яви́лся еси́, я́ко река́, обильно всю зе́млю напая́я
сло́вом уче́ния,/ **богоблаже́нне Сэргие,** те́мже па́мять
твою́ **любо́вию** ублажа́ем.

Твоею руко́ю бысть **благослове́ние** божество́нным
манове́нием:/ **невла́жная** бо земля́ **твоею** моли́твю
во́ду источи́,/ ю́же ны́не **почерпа́юще,** **исцеление**
приёмлем **незави́стно,** преподо́бне **Сэргие.**

Весь от ю́ности Бо́гу **освяти́лся** еси́,/ к **Нему́** добро-
де́тельми **приближа́ясь,** **тле́нная** бо, я́же на **земли́,**
оста́вив,/ **Небе́сное** **обрёл** еси́ **бога́тство.**

Богоро́дичен: **Ра́дуйся,** **благода́ти** **исто́чнице;** / **ра́дуйся,**
лэ́стнице и **двэ́ре** **Небе́сная;** / **ра́дуйся,** **свещниче,** и
ста́мно **злата́я,** и **горó** **несеко́мая,** / **Я́же** **Жизнода́вца**
Христа́ **ми́ру** **родила́** еси́.

Катава́сия: **Отвэ́рзу** **уста́** **моя́:**

Песнь 3

Ирмос: *Несть свят,/ якоже Ты, Господи Боже мой,/ вознесый рог верных Твоих, Блаже,/ и утвердивый нас на камени// исповедания Твоего.*

Тлennую мою плоть и смертную, Всечистая Богомати,/ из чрева Твоего несказанно прием Благий/ и обезтлевнив сию, вечне Себе связал есть.

Бога воплощаема из Тебе зряще, Дево,/ ужасахуся страхом лица ангельстии/ и яко Матерь Божию немолчными песнями Тя почитают.

Ужасеся, гору умную видев Тя, пророк Даниил,/ из Неяже Камень отсечеся кроме рук/ и демонская капища, Богомати, крепко сокруши.

Не может слово Тя человеческое,/ ниже язык, Дево, похвалити достойно:/ из Тебе бо без семене Жизнодавец Христос воплотится, Пречистая, благоволи.

Ин

Ирмос: *Утверждей в начале Небеса разумом/ и землю на водах основавый,/ на камени мя, Христе, заповедей Твоих утверди,/ яко несть свят паче Тебе,// Единое Человеколюбче.*

Благих образ тебе дав твоим учеником,/ и привлекл еси многи души во спасение, отлучившихся мирскаго пристрастия,/ иже утешения улучиша райскаго наслаждения.

Яко доброплодная маслина в дому Божии, блаженне, процвел еси,/ и елеем умащая души любовию ты поющих, преблаженне Сергие,/ и верою Христу вопиющих:/ несть свят паче Тебе, Человеколюбче.

Страсти душетленные успил еси бодренными бденими, блаженне,/ и сих ради в чертог Небесный вселился еси,/ прием, богомудре Сергие, благодать исцелений.

Богородичен: *Херувимов и Серафимов превышши явилася еси, Богородице:/ Ты бо едина прияла еси невместимаго Бога во чреве Твоем, Нескверная./ Темже Тя, вси вернии, песнями, Чистая, ублажаем.*

Ин

Ирмос: *Единое ведый человеческого существа немощь/ и милостивно в не вообрази, препояши мя с высоты силою,/ еже вопити Тебе, Святей:// одушевленный храме неизреченныя славы Твоея, Человеколюбче.*

Тлѣнную славу презрѣв, блаженне,/ нетлѣнные и Божественныя славы наследник быти сподобился еси,/ всю бо поправ жития красоту,/ со Ангелы в Вышних Божественныя славы наслаждаеши.

Ралом молитвенным, преподобне, землю сердца твоего обновив/ и сию насеяв семенем трудов твоих,/ и явился еси прекрасная Слова пшеница,/ и достигл еси незаходямаго Света селение.

Духа Святаго сияньми почтен, и светносным житием украсился еси,/ требующим подавая неоскудно/ и приемля с любовью монашествующих чины, отче преподобне.

Богородичен: Из Тебе прозябе, Чистая, Цвет неувядаемый,/ облаговонствуя все человечество Божественным миром естества Своего,/ Иже и Отцу Собезначальный, из Тебе бысть под летом, Дево Всенепорочная.

Ин кондак, глас 8:

Яко безплотным равножителю,/ всех преподобных превозшел еси/ постническими труды и блении молитвенными, мудре Сергие,/ тем восприял еси от Бога исцелити недуги и прогнати бесы,/ и того ради вопием ти:// радуйся, отче преподобне Сергие.

Седален, глас 4.

Подобен: Вознесыйся на Крест:

Яко войстину тлѣнных оставив нестойнное,/ Христу от души последовал еси/ и болезнями, и труды, и зельным воздержанием,/ яко безплотен пожив, преблаженне Сергие,/ моли Христа Бога спастися душам нашим.

Слава, и ныне, Богородичен:

Херувимов и Серафимов превышши еси, Богородице,/ Небесе же и земли пространнейши,/ видимыя твари и невидимыя явилася еси преимущи/ несосудным сосуждением:/ Егже бо пространства Небеса не вмещают,/ в Твоей утробе вместила еси, Чистая,/ Егже моли спастися рабом Твоим.

Песнь 4

Ирмос: Христос моя сила,/ Бог и Господь,/ честная Церковь/ боголепно поет, взываючи,// от смысла чиста о Господе празднующи.

Поём, Пречистая, Тя, Всенепорочную, иже Тобою спасшиися, / и, благочестно поюще, взываем: / благословенна, Яже Бога, Приснодево, рождающая.

Свет незаходимый, Дево, родила еси, / сущим во тьме жития Плотию светящ, Всеблаженная, / и поющим Тя радость, Приснодево, источила еси.

Благодать процвете, Закон преста Тобою, Всесвятая: / Ты бо, Чистая, родила еси Господа, / подающего нам, Приснодево, оставление.

Мертва мя покаже сада вкушение, / Жизни же Древо, из Тебе явльшееся, Пречистая, воскреси / и райския сладости наследника мя устрои.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: // силе Твоей слава, Человеколюбче.

Духа Пресвятаго храм, отче, был еси и жизненных вод река исполняема, / основание непоколебимо Церкви, монашествующих утверждение, / Сергие досточудне.

Пророчески слезными каплями на всяк день постелю омочая, Сергие славне, / дондеже до конца страстей пучину изсушил еси; / темже память твою почитаем, присночестную и священную.

Лице Христово лицом, преподобне Сергие, зрети сподобился еси, / зеркалом воистину разрешшимся. / Сие бо и от мира отлучи ты к возлюбленному желанию.

Богородичен: Очищение наших даруй неведения, яко безгрешен, / и умири мир Твой, Боже, молитвами Рождшия Тя.

Ин

Ирмос: Гору Тя, благодатию Божию приосененную, / прозорливима Аввакум усмотрив очима, / из Тебе изыти Израилеву провозглашаше Святому // во спасение наше и обновление.

Просвещаемь светолучными зарями, преблаженне, / наслаждение Небесное приял еси, радуясь, / яко воистину чистейший хлеб Творцу был еси, мудре Сергие, Емуже взывая: / силе Твоей слава, Человеколюбче.

Страсти душетленные прешед и во глубину безмолвия вшед, / прежде отрешения телеснаго союза умершее

отроча возста́вил еси́/ и па́че наде́жди роди́телю его́ ра́дость сотвори́л еси́./ Тем, удивився, Творцу́ вопия́л еси́:/ си́ле Твое́й сла́ва, Человеколю́бче.

Душе́вный ра́зум вперив, сла́вне, и чу́вствия окори́в, му́дре,/ святы́ню благоче́стия су́щим на земл́и возвести́л еси́ к Небе́сному ше́ствию.

Богоро́дичен: Ра́дость Тебе́, Чи́стая, яви́, с Небесе́ прише́д, Архистрати́г, благовести́, рек:/ Бог изы́дет Плото́ию из Тебе́, Де́во Пречи́стая, во спасе́ние любо́вию пою́щих Тя:/ сла́ва си́ле Твое́й, челове́ком Помо́щнице.

Песнь 5

Ирмо́с: Бо́жиим све́том Твои́м, Бла́же,/ у́тренюющих Ти ду́ши любо́вию озари́, молю́ся,/ Тя ве́дети, Сло́ве Бо́жий,/ Истиннаго Бо́га, // от мра́ка грехо́внаго вызы́вающа.

Чистото́ю возсия́вши све́тло,/ Боже́ственное пребы́вание Влады́ки, Всепе́тая, была́ еси́:/ Ты бо еди́на Ма́ти Бо́жия яви́лася еси́,/ во объ́ятиих, я́ко Младенца́, Сего́ носи́вши.

Нося́щи добро́ту у́мную красне́йшия Твоея́ души́,/ Неве́ста Бо́жия была́ еси́,/ запеча́тствована де́вством, Чи́стая,/ и све́том чистоты́ мир просвеща́ющи.

Да рыда́ет собра́ние злочести́вых,/ не пропове́дающих Тя я́ве Чи́стую Богома́терь,/ Ты бо врата́ Боже́ственного Све́та яви́лася еси́ нам,/ мрак прегреше́ний разгоня́ющи.

Ин

Ирмо́с: Вску́ю мя отри́нул еси́/ от лица́ Твоего́, Све́те незаходи́мый,/ и покры́ла мя е́сть чужда́я тьма, окая́ннаго?/ Но обрати́ мя и к све́ту за́поведей Твои́х // пути́ моя́ напра́ви, молю́ся.

В поще́ниях непрекло́нен пребы́л еси́, му́дре,/ и до отше́ствия своего́ храня́ си́е опа́сно,/ и́мже сподо́бился еси́ я́ве нетле́ннаго блаже́нства.

Остр ум име́я к Бо́гу внима́ти, стра́сти душе́тле́нныя успи́л еси́, о́тче,/ и снопы́ благопло́дия пожа́л еси́,/ пита́я благоче́стно восхваля́ющия тя, преподо́бне о́тче Серге́е.

Све́тло жити́е твоё, преподо́бне Серге́е, и изве́стно всем конце́м яви́ся,/ и боже́ственныя добро́ты испо́лнено,/ моли́твами же, и поще́ньми, и любо́вию, я́же ко Христу́ Человеколю́бцу.

Богорóдичен: Тя стéну имúще и заступлénием Твоим соблюдаéми,/ Твоею божéственною слáвою хвáлящеся, Тя ублажа́ем./ Ты бо, Пречíстая, душáм нáшим источáеши весéлие и рáдование.

Ин

Ирмóс: Бог сый мíра, Отец щедрóт,/ Вели́каго Совéта Твоего́ Ангела,/ мир подава́юща, послáл еси́ нам;/ тем богоразúмия к свéту наста́вльшеся,/ от но́щи у́тренююще, // славослóвим Тя, Человеколю́бче.

Обветшáвшего челове́ка я́ве, óтче, совлéклся еси́/ и, я́ко сквэрну рíзу, отвéрг с грехóвными страстьми́,/ в но́ваго облéклся еси́, éже по подóбию о Христé, всечéстне.

Стра́стныя úзы растóрг вы́соким твоим равноáнгельным жити́ем/ и свýше при́им чудодéйствия даровáние,/ согрешéний нáших очищéние, Сэ́ргие, испроси́.

Богорóдичен: Кля́тву Ёвы, всех прамáтере, Твоим рождество́м, Дéво, упразднiла еси́,/ мiру благослóвение возсия́вши Христá./ Тэмже Тя, рáдующеся, язýком и сэрдцем Богорóдицу и́стинно исповедающе, велича́ем.

Песнь 6

Ирмóс: Житéйское мóре/ воздвизáемое зря напáстей бурею,/ к тiхому пристáнищу Твоему́ притéк, вопи́ю Ти:/ возведи́ от тли живóт мой, // Многомiлостиве.

Вели́кий преднаписа́ во прорóцех Моисéй Тя ковчэг, / и трапéзу, и свéщник, и стáмну, образно назна́менуя / воплощéние, éже из Тебé, Высочáйшаго, Мáти Дéво.

Умерщвлéется смерть, упражднáется и тлénие Ада́мова осуждéния, / Плодú Твоему́, о Влады́чице, прира́звившеся: / Жизнь бо родила́ еси́, от тли избавля́ющую пою́щия Тя.

Закóн изнемóже, и прéйде сень, / пáче бо умá и по́мысла явiвшейся мне благодáти, я́же из Тебé, Дéво, / Рождество́м Бóга и Спа́са, Многопéтая.

Ин

Ирмóс: Очи́сти мя, Спа́се, / мно́га бо беззакóния моя́, / и из глубины́ зол возведи́, молю́ся, / к Тебé бо возопiх, и услы́ши мя, // Бóже спасéния моего́.

Па́мьятъ твою́ творящимъ свящѣнную, ѡтче, / не преста́й, моля́ Изб́авителя дарова́ти согреше́ний оставле́ние / и Небе́сное Ца́рство восприя́ти, иде́же гласъ пра́зднующихъ весели́тъ вся.

О Христе́ укрепля́емь, / вся кова́рствія лука́ваго твёрдымъ умо́м, Серге́е, / я́коже сеть, расто́ргнул еси́ / и пресвѣтло свети́ло ми́ру, ѡтче, показа́лся еси́.

Свѣтомъ Божѣственнымъ осия́емь / и со А́нгелы ны́не на Небесе́х водворя́ясь, / помина́й ве́рою чту́щихъ па́мьятъ твою́, / преподо́бне Серге́е приснопа́мятне.

Богоро́дичен: Возвы́сила еси́ вои́стину па́дшее челове́ческое существо́, / и́же ѡбразомъ Божѣственнымъ и Отца́ ра́венствомъ, / ви́димымъ Сы́ном неизме́ннымъ, Богома́ти, / без се́мене во чре́ве поноси́вши.

Ин

Ирмо́с: Из утробы́ Ио́ну младе́нца изблева́ морской зверь, / я́кова́ прия́тъ; / в Де́ву же всельше́еся Сло́во / и Плотьъ прие́мшее про́йде, сохра́ншее нетле́нну: / Егѡ́же бо не постра́да истле́ния, // Ро́ждшую сохра́ни неврежде́нну.

Насъ свѣ́ше, ста́до твоё, озаря́еши ми́лостивно, ѡтче, / вои́нству благочесті́вому побѣду́ пода́я моли́твами твои́ми, возвы́шая рогъ правосла́вныхъ, / от насъ же приими́, а́ще и ма́лое, приноси́мое тебѣ́ моле́ние.

На недѹ́зехъ разли́чныхъ исцелѣ́ния благода́ть тебѣ́ дарова́ся / и на ду́сехъ нечи́стыхъ от Христа́ вла́сть, му́дре, / я́ко божѣственный до́блественникъ, вене́цъ прия́л еси́ побѣ́ды от всехъ Ца́рствующаго.

Богоро́дичен: Весьъ ликъ проро́ческий, от Бо́га научѣ́н, Твоё́ провозгласи́ та́инство / несказа́ннаго Божѣственнаго зача́тия е́же из Тебе́ Сло́ва, Ма́ти Де́во: / Ты́ бо Исти́нный нача́льный Светъ роди́ла еси́.

Конда́к, гласъ 8.

~~И подобенъ Выбранной Воеводе:~~

Христово́ю любѡ́вию уязви́вся, преподо́бне, / и Тому́ невозвра́тнымъ желáниемъ послѣ́довавъ, / вся́кое наслажде́ние плотско́е возненави́дел еси́ / и, я́ко со́лнце, Оте́честву тво́ему возсия́л еси́; / темъ и Христо́с даромъ чуде́с обогати́ тя. / Помина́й насъ, чту́щихъ пресвѣтло́ю па́мьятъ твою́, да зове́мъ ти: // ра́дуйся, Серге́е богому́дре.

Икос:

Евѣнгельскій глас, ѡтче, услышав,/ вся оставил еси
плотская мудрования,/ богатство же и славу, яко
прах, вменив,/ и на страсти, яко безплотен, подви-
зався,/ и безплотных ликостоянием чести сподобился
еси./ Разума дарование приял еси,/ еже и подаждь
в песнях поющим ти сице:/ радуйся, Сергие препо-
добне и богоносе, Небесный человеце, земный Ангеле;/
радуйся, Духа Святаго обитель;/ радуйся, молитвами
богоданен дар приемый;/ радуйся, яко прежде рожде-
ния приглашением прославив Святую Троицу, Яже ты
прослави в жизни сей и по смерти;/ радуйся, целомуд-
рия столпе, имже всяка страсть попрася;/ радуйся, яко
от младых ногтей последствовал еси Христу;/ радуйся,
притекающим к тебе спасения ходатай;/ радуйся, све-
тильниче многосветлый, возведый ко Христу мона-
хов множества;/ радуйся, похвало Отчеству твоему;/
радуйся, пророчеством украшенный, во еже прорицати,
яко настоящая, будущая;/ радуйся, яко молитвами
твоими сопротивнии побеждаются;/ радуйся, право-
славному воинству нашему похвала и утверждение,/
егоже соблюди молитвами твоими от враг ненаветно,
да зовем ти:/ радуйся, Сергие богомудре.

Песнь 7

Ирмос: *Росодательну убо пещь/ содела Ангел/ пре-
подобным отроком,/ халдеи же опаляющее/ веление
Божие мучителя увещати: // благословен еси, Боже
отец наших.*

Юнош трех пещь не опали, рождество прообразу-
ющих Твое,/ Божественный бо огонь, Тебе не опалив,
вселися в Тя/ и вся научи вопити: благословен еси,
Боже отец наших.

Блажат Тебе концы, Всенепорочная Мати, яко про-
рекла еси,/ просвещаемы светолучными сиянии Твоими/
и благодатию, поющими, вопиют: благословен еси, Боже
отец наших.

Пагубныя убо зuby в мя вонзе змий лукавнейший,/
но тыя Твой, Богомати, Сын сокруши,/ крепость же мне
даде вопити: благословен еси, Боже отец наших.

Очистилице естества Ты еси, Единая Богоблажен-
ная:/ на рамах бо херувимских сидящаго Бога во

объятиих носивши, вопиеша: / благословен еси, Боже отец наших.

Ин

Ирмос: Божия снисхождения / огонь устыдеса в Вавилоне иногда, / сего ради отроцы в пещи, радованною ногою, / яко во цветнице, ликующе, пояху: // благословен еси, Боже отец наших.

В пещи искушений разжжения / Божественная благодать ороси ты, преподобне, / и многосвѣтла Троическим желанием показа, зовуща: / благословен Бог отец наших.

Мир преобидев, славне Сергие, / на земли, яко бесплотен, пожил еси / и ангельским ликостоянием сподобился еси. / Тем ты верою почитаем, досточудне.

В пристанище тихое вшед, богомудре, / житейских плаваний отбегл еси / и волнующимся житейскими спасительное окормление был еси, воспевающим: / благословен Бог отец наших.

Богородичен: Жезл прорасте, Дево, из корене Иессеева, / всеблаженный Плод, Цвет носящи спасительный / верою Сыну Твоему вопиющим: / отцев наших Боже, благословен еси.

Ин

Ирмос: Тебе умную, Богородице, пещь / рассмотрим, вернии, / якоже бо отроки спасе три Превозносимый, / мир обнови во чреве Твоем всецел, // хвальный отцев Бог и препрославлен.

Другое Небо на земли / божественным мановением, преблаженне, показался еси, / воспитал еси словесное стадо, / яко Ангел живый с плотию, богомудре.

Имуще ты к Богу, чада твоя, крепка молитвенника, блаженне, / и утешителя печальных, поборника же, и предстателя, и ходатая благочестия, / от всяких бед спасаемся, преподобне Сергие.

Богородичен: Радуйся, чистая Адамова Дщи, / из Тебе бо произыде Пастырь, облекся истинно во всего мя, человека, / превозносимый за милосердие непостижное отцев Бог благословенный.

Песнь 8

Ирмос: Из пламене преподобным росу источил еси / и праведнаго жертву водою попалил еси: / вся бо

твориши, Христэ, токмо еже хотети.// Тя превозносим во вся веки.

Позлащённою ризою, якоже Царицу,/ Сын Твой, просветив зарю Духа,/ Тебе одесную Себе постави, Всечистая,/ Егоже превозносим во вся веки.

Иже хотением едином мир водрузивый/ из пречистыя утробы Твоея Плоть заёмлет,/ свыше тую наздати хотя,/ Егоже превозносим во вся веки.

Сочетанием Слова ко мне, человеку,/ Божественное жилище была еси, Пречистая,/ просиявши яве девства светлостью./ Тем Тя поём во вся веки.

Златозарный Ты свещник предвообрази,/ приёмшую несказанно Свет неприступный,/ знанием Своим озаряющ всяческая./ Тем Тя поём, Чистая, во вся веки.

Ин

Ирмос: Седмерицею пещь/ халдейский мучитель/ богочестивым неистовно разжжэ,/ силою же лучшею спасены сия видеи,/ Творцу и Избавителю вопияше:/ отроцы, благословите,/ священницы, воспойте,// людие, превозносите во вся веки.

Светоносный твой праздник, преблаженне Сергие,/ исполни радости и веселия духовнаго, благоухания же и просвещения/ ты имущим заступника и правило монашествующим.

Молитвою непрестанною к Богу востекл еси/ и отгуду Трисолнечными сиянии озарился еси,/ на враги борения поставив, приводя постников соборы новым житием, Христу вопиющим:/ дети, благословите, священницы, воспойте, людие, превозносите Его во веки.

В пощениих крепкое, в молитвах неленостное/ терпение в искушениях, Сергие, на земли показал еси, зовый:/ дети, благословите, священницы, воспойте, людие, превозносите Его во веки.

Богородичен: Богородительнице Чистая, души моя язвы греховныя и соблазны очисти,/ ко источником примешаючи, яже из ребр Рождества Твоего, иже от них потекшим струям;/ к Тебе бо взываю, и к Тебе прибегаю, и Тя призываю, Богоблагодатную.

Ин

Ирмос: Чуда преестествонаго/ росодательная изобрази пещь образ:/ не бо, яже прият, палит юныя,/ яко ниже

огнь Божества Девы, / в Нюже вниде утробу. / Тем, воспевающе, воспоем: / да благословит тварь вся Господа // и превозносит во вся веки.

Прилѣжно поюще молим тя: / молися, преподобне, победы даровати на враги воинству нашему, / и Церкви благолепие, и миру мир.

Духа Святаго благодать в тя вселися, / лукавых духов прогонителя содела, / монашествующих же наставника показа, зовущих: / благословите, вся тварь, Господа и превозносите Его во веки.

Трисолнечным светом издалеча сияя, / твоим певцем свет даруй и спасение и миру мир, / в твоей памяти, преподобне отче, зовущим: / да благословит вся тварь Господа и превозносит Его во веки.

Богородичен: Иже ангельскими песнями Прославляемый, / богатное Слово нас ради обнища, / Тя Матерь, доброту Иаковлю, Благословенная, избрав. / Темже, воспевающе, поем: / да благословит тварь вся Господа и превозносит Его во веки.

Песнь 9

Ирмос: Бога / человеком невозможно видети, / на Негоже не смеют чини ангельстии взирати; / Тобою бо, Всечистая, явися человеком / Слово воплощено, / Егоже величающе, // с Небесными вои Тя ублажаем.

Звезда, сияющи зарями Божества от Иакова, / от мрака содержимым возсия Тобою, Всечистая, / Христос Бог, Слово воплощено, / Имже просвещаемы, с Небесными вои Тя ублажаем.

Укрепився силою Твоею и благодатию, / Тебе песнь усердно от сердца возложих; / но сию прими, Дево Чистая, / благодать воздающи Твою многосветлую / от нетленных сокровищ, Богоблаженная.

Поста́в показала́ся еси́ я́ве Божества́, / в нёмже ризу телесе́ Слово истка́, / богосодела́в, Дево, мой зрак; / в него́же облекся, вся спасе́ от смы́сла чиста́ Тя велича́ющия.

Богородичен: Мёртвым воскресение ныне даровася Твоим несказанным и неизреченным Рождеством, / Богородице Всечистая: / Жизнь бо, из Тебе Плотию обложився, всем возсия / и смертную дряхлость яве разруши.

Ин

Ирмос: Ужасеся о сем Небо, / и земли удивишася концы, / яко Бог явися человеком плотики / и чрево Твое бысть пространнейшее Небес. / Тем Тя, Богородицу, // Ангелов и человек чиновачалия величают.

Светоявления духовнаго исполнен быв, преподобне Сергие, / светильник, сияя издалеча, явился еси, / словесныя зары нам облистая, / и Пребожественныя Троицы жилище показался еси.

Воистину ты велика учителя, мудре Сергие, Российским странам Христос дарова, / неложным правлением правяща отечество свое / и учения сладчайша меда изливающая, / ихже, яко от окрина, и мы, вернии, почерпаем независтно.

Душетленные страсти победив, / яко пастырь истинный, упасл еси словесное Христово стадо, / еже вину благодатию Духа, яко цветы райския, питая, преподобне.

Богородичен: Псалмы Тя воспеваем, Обрадованная, / и немолчно Ти, еже радуйся, вопием: / Ты бо источила еси всем радование.

Ин

Ирмос: Образ чистаго Рождества Твоего / огнепальная купина показа неопальная, / и ныне на нас напастей свирепеющую угасити, молимся, пещь, / да Тя, Богородице, // непрестанно величаем.

Любовию Христовою, мудре, просвещаемь и добродетельми облистаемь, / не осквернил еси души твоея доброту, / ко отцем преставился еси в добрей старости / и Богу со Ангелы, Сергие, предстоиши.

Очисти наша согрешения, Слове, и просвети очи сердечныя, / еже чисто зрети Твою светлость Божественнаго светолития, / молитвами твоего угодника Сергия, / да Тя вси величаем.

Богородичен: О, страннаго Твоего чудесе! / Ты бо, Дево Богородице, / таинство, прежде веков и родов сокровенное в Бозе, вся создавшем, / рождши Бога Слова несказанно, явилася еси.

Светилен:

Процвел еси, яко финикс, Давидски, отче, / и обитель явился еси Духа Всесвятаго, / Иже славна ты вселенней

показа́,/ о нас непреста́нно Христа́ моли́,/ почита́ющих ве́рою пречестну́ю па́мь твою́,/ преподо́бне Серге́е.

Сла́ва, и ны́не, Богоро́дичен:

Тя пе́сньми немол́чными ублажа́ем, Де́во,/ я́ко от Трѳицы Еди́наго родила́ еси́, Богоро́дице,/ и но́сиши на божѣственныхъ объ́ятиихъ/ Пребога́тое Сло́во, Невра́щное и Неизме́нное.

На хвалитехъ стихи́ры на 4, глас 4.

Подобен: Зва́нный свѣше:

Егда́ Божѣственное зва́ние/ найде на тя, пребога́те,/ тогда́ все плотско́е мудрова́ние/ ду́ху повину́л еси́,/ пощѣния страда́ньми утверди́всѧ,/ и, я́ко зла́то, в горни́ле искуше́но, сия́я, яви́лся еси́./ Приятелище был еси́ Ду́ха Пресвята́го,/ собра́в мона́шествующихъ мно́жества/ и уче́нии твои́ми, я́ко не́коею небовосхо́дною ле́ствицею,/ на высоту́ добродѣтелей возводѧ./ Помина́й нас, Серге́е, чту́щих па́мь твою́, // спасти́ и просвети́ти ду́ши на́ша.

Возсия́ днесъ пресвѣтлая/ и всепра́зднственная па́мь твоѧ, пресла́вне Серге́е,/ созыва́ющи многочи́сленное по́стниковъ сосло́вие/ и преподо́бныхъ ликостоя́ния,/ в не́йже А́нгели сла́вят/ в Трѳице покланя́емаго Бо́га на́шего,/ челове́цы же, притека́ющи/ к свяще́нной ра́це мо́щей твои́х,/ исцеле́ния да́ры прие́млют;/ и ты венча́вашаго/ Христа́ прославля́ем, // Спа́са душъ на́ших.

Богоносе́ и преблаже́нне/ о́тче Серге́е,/ ты проро́чески/ постѣлю́ слеза́ми измыва́л еси́,/ не дал еси́ сна твои́м очесе́м,/ ни ве́ждом дрема́ния,/ серде́чное жела́ние е́же ко Христу́ явля́я, / Его́же измла́да возлюбивъ,/ вся́кия добродѣтели вид исправи́л еси́./ Те́мже ты ублажа́ем,/ Христа́ велича́юще, // ты просла́вльшаго.

Сла́ва, глас 2:

Преподо́бне о́тче,/ измла́да воздержáнию прилежа́в, постѣвсѧ,/ орга́н был еси́ Свята́го Ду́ха./ Тем и чуде́с дарова́ния прие́м,/ челове́ки научи́л еси́ преоби́дети маловре́менная./ Ны́не же неизрече́нным свѣтомъ свѣтле сия́еши,/ просвети́ на́ша мы́сли хода́тайствомъ твои́м, // му́дре Серге́е.

И ныне, Богородичен, глас тойже:

Все упование мое на Тя возлагаю, / Мати Божия, // сохрани мя под кровом Твоим.

Славословие великое. Ектений и отпуст.

НА ЛИТУРГИИ

Блаженны, перваго канона святаго, песнь 3-я, и втораго, песнь 6-я. Прокимен, глас 7: Честна пред Господем // смерть преподобных Его: Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 24. Причастен: В память вечную будет праведник, от слуха зла не убоится.


Молитвы зри 5 июля.

Преподобный Сергей Радонежский († 1392) — великий чудотворец, игумен земли Русской, родился 3 мая 1314 года близ Ростова и был в крещении наречен Варфоломеем (в честь апостола от 12-ти). Около 1329 года он вместе со своими родителями, преподобными Кириллом и Марией, переселился в Радонеж. После их кончины избрал пустынное место в 10 верстах от новой родины, на Маковце, и начал там подвизаться, сначала со своим старшим братом Стефаном, а затем один.

Вокруг преподобного собралось несколько братьев, с которыми по благословению святого митрополита Феогноста он построил деревянную церковь во имя Пресвятой Троицы. 7 октября 1337 года он был пострижен в монашество игуменом Митрофаном, подвизавшимся неподалеку, в пределах ярославских. В 1354 году преподобный был посвящен в сан пресвитера в г. Переславле епископом Вольнским Афанасием.

Слава об обители преподобного Сергея стала быстро распространяться не только в России, но и за ее пределами. Константинопольский патриарх Филофей прислал преподобному благословенную грамоту, а также крест, параман и схиму в благословение на новые подвиги.

Преподобный Сергей много трудов положил на основание многих монастырей, ставших значительными



культурными центрами в последующей истории. Много потрудился преподобный, созидая мир в Русской земле. Так, пользуясь большим влиянием на князя Димитрия Донского, он благословил его на брань против полчищ Мамаю и своими молитвами помог ему одержать победу 8 сентября 1380 года на Куликовом поле.

За свою высокую подвижническую жизнь преподобный Сергий удостоился посещения Богоматери с апостолами Петром и Иоанном Богословом — в своей келлии во время молитвы.

25 сентября 1392 года преподобный Сергий преставился к Богу. Созерцая

будущую славу многих своих учеников, он оставил наставление, исполненное духом глубокого благодатного смирения: «Братие, прежде имейте страх Божий, чистоту душевную и любовь нелицемерную», — оставшееся как завет для всех поколений русских верующих людей.

В
ТОЙЖЕ
ДЕНЬ



Преподобныя матере наша Евфросинии Александрийския

ВѢЧЕР

На Господи, возвах: стихиры октоиха, 3.

И святыя, 3. Глас 5.

Подобен: Преподобне отче:

Мати преподобная, / Евфросиние досточудная, / сущо веселия возжелевши, / того ходатайствующую шествовала еси стезю: / богатство бо изменила еси ницетою многою, / плотскаго обручника Живущим во веки, / пищу тлеющую воздержанием, / покой болезнями, сущими в страдальчестве, / сущую в мире премірною жизнью, / юже и получила еси с мудрыми девами, / соблюдши свещу твою неугасну / и чертогу сподобившись, яко дева, // яко невеста Христова всехваляная.

Струями слез напоивши твой разум, / угобзила еси пощением добродетельныя плоды / и, лоза якоже краснейшая, / произнесла еси грозды красныя, честная, / ихже божественнаго мста* яве насыщше чувства душевная, / наслаждаемся истинно твоим подобием / и веселимся божественным веселием, / пьянство отвращающе, еже от греха, / вопиюще ти, всечестная: / Христа моли всегда / даровати вселенней единомыслие, // мир и велию милость.

Видение странное / и естеству неудобоприятное, / како утайлася еси / Евина старого запинателя лютаго коварства, / среди мужей всельшись совершенным разумом? / Какое посреде огня прошла еси, не опальшишься? / Какое сокрыла еси женскую немощь, / укрепляема

* Мста — молодого вина.

Божественною силою/ нашу немощь Приимшаго/ и Возсиявшаго от Отроковицы Неискусобрачныя?/ Егже моли, со Ангелы ликующи,/ даровати вселенней единомыслие, // мир и велию милость.

Слава, глас 2. Студитово:

Чистое чистоты твоея сокровище/ без порока от мужей сохранила еси,/ невеста Христова бывши, Евфросиние всеблаженная;/ телесную бо доброту постническими труды увядивши,/ душу же украсивши доброзачием благодати,/ в мужестве бо женство яве укрывши,/ утайлася еси велиаровых ловлений,/ ангельски проживши,/ но проси мира любовьию благохвляющим тя, // яко веселия тезоименитая, богоблаженная.

И ныне: Богородичен или Крестобогородичен.

Подобен: Егда от Древа:

Грозд всезрелый, Чистая,/ Егже невозделанно во утробе младоносила еси,/ на Древе яко узрела еси Сего висяща,/ рыдающе, восклицала еси, зывающе:/ Чадо, сладость искапай,/ еюже пьянство всякое страстей отъемлется, Благодетелю,/ Мене ради, Тебе рождшия,/ божественными утешеньми, // яко Благоутробен.

На стиховне Октоиха.

Слава, глас 6:

Приидите, любодевственнии вси/ и чистоты рачителие,/ приидите, монашеская чета и преподобных жен лик,/ вси согласно верою воспойм/ Евфросинию преблаженную:/ радуйся, яже в женстем теле мужески доблествовавши,/ радуйся, целомудрием врага посрамивши/ и Христа возлюбивши,/ радуйся, камению честный, веселия тезоименитая./ Но, о матери преподобная, // молящи не претай о чтущих память твою.

И ныне, Богородичен или Крестобогородичен.

Подобен: Все отложше:

Агница Своего Агница нескверная древле/ и непорочная Владычица/ на Крест воздвизаема яко виде,/ Матерски восклицаше/ и, удивляющися, вопияше:/ что видение сие, Чадо сладкое,/ новое и преславное?/ Како людие неблагоприятнии/ судищу Пилатову предают Тя/

и осуждают смёртию Животá всех?// Но пою Твое неизречённое, Сло́ве, схожде́ние.

Тропа́рь, глас 8:

В тебе, ма́ти, извѣстно спасе́ся, е́же по образу:/ при-
и́мши бо крест, послѣдовала еси́ Христу́/ и, де́ючи,
учи́ла еси́ презира́ти у́бо плоть, прехо́дит бо,/ приле-
жа́ти же о души́, ве́щи безсме́ртней.// Те́мже и со А́нгелы
сра́дуется, преподо́бная Евфроси́ние, дух твой.

НА УТРЕНИ

Оба канона Окто́иха.

И святы́я на 4, егóже краегранѣсие:

Пѣсньми тя пою́, подо́бную весе́лия. **Иосиф. Глас 5.**

Песнь 1

Ирмос: *Коня́ и вса́дника в мо́ре Чермное́/ сокруша́яй
бра́ни мѣшцею вы́сокою/ Христо́с истрясе́,/ Изра́иля
же спасе́,// побѣдную песнь пою́ща.*

Пѣсньми богокрасными пою́щаго днесь/ святу́ю твою́
па́мь и и́стинно достохва́льную,/ све́том мя озари́
моли́тв твои́х, всечестна́я,/ весе́лия божественнаго
тезоименита́я.

Еди́ну Божественную добро́ту Христо́ву возлюбѣв-
ши/ и Того́ распальши́ся невестественными красота́ми,/
добро́тою телесною возгнуша́лася еси́, сла́вная,/ виде́-
нии божественными упражня́ющися.

Невѣста, укра́шенная добродѣтелей красота́ми,/ об-
ручи́лася еси́ и́стинно красному́ добро́тою Христу́,/
оста́вивши привре́меннаго, Евфроси́ние, обру́чника
и жити́я всю красоту́.

Богородичен: *Все Пожелáние, и Сла́дость, и Жизньь/
из Тебе́ Возсия́вый премно́жеством бла́гости,/ Де́ва
Всепоро́чная,/ Егóже моли́ спасти́ непреста́нно Тя
блажа́ция.*

Песнь 3

Ирмос: *Водрузи́вый на ничесом́же зѣмлю повелѣнием
Твои́м/ и повѣсивый неодо́ержимо́ тяготѣющую́,/ на
недви́жимем, Христѣ́, ка́мени за́поведей Твои́х,/ Цер-
ковь Твою́ утверди́,// Еди́не Бла́же и Человеколю́бче.*

Великия претерпéвши пóдвиги, вра́жия низложи́ла еси́ ухищре́ния,/ победи́ла еси́ де́монския прило́ги,/ А́нгелом уподо́билася еси́, безсме́ртию поучи́вшись, ма́ти,/ в ме́ртвенном твоём телеси́.

Веселит мона́шествующих се́рдца жити́е твоё,/ утвержде́ние су́ще и наказа́ние ко спаси́тельным за́поведем и к сте́зям нетле́ния,/ к любви́ кра́йнейшему преде́лу, Евфроси́ние, Созда́вшего.

Просвещает ве́рных божество́нная собра́ния/ све́тлая тво́я па́мять и досто́славная, услажда́ет преподо́бных ли́ки,/ А́нгелы веселит,/ с ни́миже водворя́ешься,/ я́ко равноа́нгельному жити́ю, Евфроси́ние, ревно́вавши.

Богоро́дичен: Страсте́й мя лю́тое обурева́ет волне́ние,/ лука́вых духо́в глубина́ одержи́т мя,/ грехо́вный ви́хорь коле́блет моё се́рдце:/ Богороди́тельнице, Ты мя утверди́, чи́сте Ты восхваля́юща.

Седáлен, глас 5.

Подóбен: Сбезнача́льное Сло́во:

Же́нскую сла́бость укрепивши Небе́сными наде́ждами,/ посреде́ всели́лася еси́, несомне́нною мы́слию, муже́й, богодохнове́нная,/ Е́вина льсти́теля покоривши тво́им гове́нием, о Евфроси́ние,/ во бде́ниях и поуче́ниях;/ тем ве́рою тя блажи́м.

Сла́ва, и ны́не, Богоро́дичен:

Тя пристáнище, и стéну, и прибе́жище, и наде́жду, и покрóв,/ и Предста́тельницу те́плу обрётше, ве́рнии, к Тебе́ прибега́ем/ и вопие́м приле́жно, и зыва́ем ве́рно:/ помилуй, Богоро́дице, на Тя упова́ющия/ и от прегреше́ний изба́ви.

Крестобогоро́дичен:

На Кресте́ Ты зря́щи, Хри́сте, Ма́ти Тво́я,/ во́льно среди́ разбо́йников пове́шена,/ терза́ющи Ма́терски утробу, глаго́лаше:/ безгреше́не Сы́не,/ ка́ко непра́ведно, я́ко злоде́й, на Кресте́ повеси́лся еси́,/ род челове́чъ оживи́ти хотя́, я́ко Преблагый?

Песнь 4

Ирмо́с: Божество́нное Твоё разуме́в исто́щание/ прозорли́во, Авваку́м, Хри́сте,/ со трéпетом вопия́ше

*Тебѣ:/ во спасѣние людѣй Твоих, // спасти помазан-
ныя Твоя пришѣл еси.*

Отцѹ ты Небѣсному внѣмлющую, душ Невестовѣдцу,/ **отча** любовь не возбранѣ, ниже привременнаго жениха,/ **шествовати** путь спасительный.

Яко финикс, богомудренно процвѣла еси правды сладость/ и, яко кедр, при водах воздержанія, богомудрая,/ **плоды** добродѣтельныя умножила еси.

Огнем воздержанія испепелила еси хвѣстныя сласти/ и, разгорѣвшисья углем Господни любви,/ **чудес** лучи возсияла еси.

Растрезан видится и лежѣщ пред красными твоими ногами/ **прежде** Евин ратник,/ из Дѣвы Рѣждшагося силою, Евфросиние, и благодатию.

Богородичен: Ущѣдри, Щѣдрая сущи, преокаянную мою душу,/ Богородительнице Всенепорѣчная,/ **от** страстей грѣха люте омрачившуюся и стѣнующу.

Песнь 5

Ирмос: *Одеѣйся Свѣтом, яко ризою,/ к Тебѣ утренюю и Тебѣ зову:/ душу мою просвети омраченную, Христѣ, // яко Един Благоутробен.*

Зарю божественных деяній, яко камень смарагд, чистая,/ **видена** была еси посреде мужей,/ мужская боренія показующи и веселящи Господа.

Точащи слѣзы, яко ароматы, облаговѣнилася еси,/ **возвеличилась** еси, яко миро многоценное,/ и Бѣгу принеслася еси дѣва нерастлѣнна.

Все твоѣ желаніе Бѣгу принесла еси,/ **Того** желѣюще, Того ищущи,/ **Того** послѣдствующи законоположенію, дѣво, спасительному.

Богородичен: Млада родила еси, яко Младенца, Чистая,/ **прежде** век из Отца Безначальна безлѣтно Возсиявшаго,/ **Егоже** о мире моли, Богоневѣсто.

Песнь 6

Ирмос: *Неистовствующеся бурею душѣтлѣнною,/ Владыко Христѣ,/ страстей море укроти/ и от тли возведи мя, // яко Благоутробен.*

Яко чиста и непорѣчна, яко красна, яко предобра,/ **Жениху** Слову ты уневестилася еси,/ **во** вѣки соблюдающему ты нетлѣнну.

Стенáньми и слезáми взыскующи Содетеля,/ Онаго видения сподобилася еси,/ яко избранная со избранными, досточудная.

Воздержания образ,/ целомудрия одушевленное подобие верным явилася еси,/ благохвляющим твою священную, о Евфросиние, память.

Богородичен: Пáче умá, Безлётнаго,/ пáче слова, Создателя, Всечистая, родилá еси,/ избавляющаго всякия тли Богородицу поющия Тя.

Кондак, глас 2.

Подобен: Вѣшних ищá:

Вѣшнюю жизнь возжелѣвши получитьи,/ дольнюю сладость тщáтельно оставила еси/ и самую себе смесила еси посреде мужей, краснейшая,/ Христа бо ради, Женихá твоего, // о обручнице привременном небрегла еси.

Икос:

В веселии и радости дѹши возвеселивше,/ востанем тщáтельно услышати слово преславное:/ преходит бо ум всяк повѣдание сие и удивляет,/ яко женá, посреде мужей пребывающаи,/ победи велиара, и огонь попра сластей, и не опалися отнюд:/ Христа бо вожделѣвши, нескверная,/ обручника привременнаго небрегла есть.

Песнь 7

Ирмос: Превозносимый отецъ Господь/ пламень угаси, отроки ороси,/ согласно поющия:// Бóже, благословен еси.

Свет тебе возсия, Того содрузе, Евфросиние славная,/ правый бо имела еси разум, песнопощи:/ Бóже, благословен еси.

Жезл, укрепляющ тя, Крест имущи,/ демонская зияния прешла еси невредна, преподобная, песнопощи:/ Бóже, благословен еси.

Дом сердце твое Святаго Дѹха,/ преподобная, совершила еси,/ ты укрепльшаго и показавшаго дѹхов лукавых сильнейшу.

Богородичен: Тѣлом обложеннаго Бóга Безтелеснаго, Всенепорочная, родилá еси,/ нас избавляющаго, страхом песнопощия:/ Бóже, благословен еси.

Песнь 8

Ирмос: Тебѣ, Вседѣтелю, / в пещи́ ѡтроцы, всемірны́й лик сплѣтше, пояху: / дела́ всякая, Гѡспода пойте // и превозносите во вся вѣки.

Тѣну страстей оттрясла еси́, отрокови́це, / Ангелов невещественному жити́ю поревнова́вши, / с ними́же и воспевáеши: / Гѡспода пойте и превозносите во вся вѣки.

Даёт тебе́ жизнь жи́зни Хранитель, / Того́ бо стопáм послѣдовала еси́, / Того́ доброты вожделѣвши Божѣственныя, / с Ними́же и весели́шися во вся вѣки.

Вознесла́ся еси́ ко обителем присножи́тельным истинно, / желáние получивши, егѡже возлюби́ла еси́, де́во, / Дре́ва жи́зни наслажда́ющихся / и превознося́щи Христа́ во вѣки.

Богородичен: Вся избрана́на, украшена́ вся, / Бог Ю́же возлюбѣ, Ю́же избра́, / явилася еси́, Де́во Препросла́вленная, присно: / тем Тя поём всегда́, я́ко Богородицу.

Песнь 9

Ирмос: Исáие, лику́й, Де́ва имѣ во чре́ве / и роди́ Сы́на Емману́ила, / Бѡга же и Челове́ка, / Востѡк и́мя Емú, // Егѡже велича́юще, Де́ву ублажа́ем.

Священно́е торжество́ мона́шествующих собѡр хва́лит, / пáмять твою́ соверша́я богосвѣтлую, лик радуется мона́хинь, / явѣся бо чѣстая всех свѣтлость, Евфросѣ́ние досточудная.

Я́ко чѣстно возложе́ние Небѣснаго была́ еси́ хра́ма, / я́ко крин, во двѡрех процвела́ еси́ Бѡжиих, / я́ко шѣпок сладковѡнный, принесла́ся еси́ Всецарю́, / я́ко честное́ мѣро, Евфросѣ́ние всеблаже́нная.

Тебе́ самую́ просветѣла еси́ добродѣтелей твоѣх украше́нием свѣтлым, / и привелася еси́ к мѣсленному черто́гу, чѣстая, / и ны́не недомѣсленную смотре́еши доброту́ Христову́, / и обожѣние приѣмлеши соверше́нейшее.

Святáя твоя́ пáмять освяща́ет днесь вѣрныя, / точа́щи просвещѣние и святѣ́нню, / в нейже́ ты мо́лим, я́ко избра́нную невесту́ Христову́: / спасѣ́и моли́твами твоѣ́ми, Евфросѣ́ние, нас всегда́.

Богородичен: Свѣтом лица́ Твоегѡ́ во тѣме лежа́щаго страстей озари́, / Свѣта двѣре мѣсленная, / да не но́щь

посты́гнет мя сме́ртная, Влады́чице Чы́стая,/ спасе́ния моего́ неча́яние отсека́ющи.

Свети́лен.

Подобен: Ду́хом во святы́лици:

Кня́зя утай́вшись студа́, и сегó в любоу́дром о́бразе показáла еси́ безу́мна,/ де́ва су́щи душе́ю и те́лом, бы́ла еси́ муж ра́зумом и ве́рою,/ Евфроси́ние преподо́бная,/ де́вственников добрóта и мона́хинь красота́.

Богорóдичен:

День мне возсия́й у́мнаго весе́лия,/ Ты бо еси́, Чы́стая, свет и жизнь су́щим во тьме:/ хоте́нию бо мощна́ еси́ и е́же творити́ имаши,/ я́ко су́щи всех Влады́чица,/ изба́ви вся от бед, и скорбе́й, и собла́зн чужда́го.

Преподобная Евфросиния (V в.) родилась в городе Александрии от знатных и богатых родителей — Евфросинии и Пафнутия — и была их единственным ребенком. Мать ее умерла рано, и воспитывал ее отец, глубоко верующий христианин. Пафнутий часто посещал монастырь, игумен которого был его духовным наставником, и брал с собой свою дочь, святую Евфросинию.

Когда Евфросинии исполнилось 18 лет, отец намеревался выдать ее замуж. Он направился в монастырь к своему наставнику, чтобы получить благословение на предстоящее событие в жизни дочери. Игумен беседовал с девицей и дал ей свое благословение, однако святая стремилась к иноческой жизни и, приняв тайно пострижение от проходившего в тех местах инока, покинула отчий дом.

Опасаясь, что в девичьем монастыре пребывание ее будет обнаружено, она, назвав себя евнухом Измарагдом, была принята в тот самый мужской монастырь, который посещал ее отец. Здесь она в уединенной келлии 38 лет проходила иноческие подвиги и достигла высокого духовного совершенства. Отец ее тяжело горевал о потере любимой дочери и не раз по совету настоятеля беседовал с иноком Измарагдом, получая от него духовное утешение.

Перед смертью преподобная Евфросиния открыла отцу свою тайну, прося, чтобы никто, кроме него, не готовил к погребению ее тело. После смерти дочери Пафнутий отдал все свое имущество нищим и монастырю и принял монашество. 10 лет он подвизался в келлии своей дочери и мирно там же скончался.



В
ТОЙЖЕ
ДЕНЬ

Преподо́бная ма́тере на́шей Евфроси́нии Су́здальския Службу зри 18 сентября́.

Житие и иконописную прорись преподобной Евфросинии Суздаль-

ской смотри 18 сентября (с. 505).



**Пренесѣние мощей святителя Германа,
архиепископа Казанскаго**

Службу зри 6 ноября.

Тропарь, глас 4:

От юности иго Христова усердно восприим, / бденными подвиги поста и молитвы прославился еси. / Отонудуже, призывающе тя Богу на служение Церкви / в новопросвещенном царстве Казанском, / вкупе со святителем Гურიем возван был еси, / идеже яко первоначальник созданныя тобою во граде Свяжске обители / и достойный первосвятителю преемник явился еси. / Духом предстоя Престолу Владычню, / молися, святителю Германе, со святителем Гურიем / Православней пастве во благочестии преспевати, // тьме иновѣрия светом веры разгнаться.

Ин тропарь, глас 4:

Яко великим пастырем единоправна / и учителем вселенная единомысленна, / Церкви Божия служителя усердна / и строителя таин Христовых благоговейна, / стекшися, благовернии людие, Свяжския обители богомудраго основателя / и Казанския новопросвещенная паствы святителя Германа / песнями и пении восхвалим, глаголюще: / не престаи присещати молитвами твоими всю паству твою, // в вере и благочестии блюди ю невредимо.

Кондак, глас 4:

Доблестями преподобия и правды / врученное тебе словесное стадо озаряя / и на злчных слова Христова пажитех питаая, / на правый путь заповедей Господних силою духа твоего наставляя еси ю. / Темже и ныне, осеняеми цельбоносными чудотворениями твоими, / в святую память, зовем тебе: / не престаи, святителю, представлять пред Пастыреначальником о стаде твоём, / яко паствы твоея утверждение // и сущим по тебе святителем удобрение.